

Lamentation Mogu Jerusalem aubaina

Pariverena

Wei bukana e ririweta da au 586 B. C mai Israel i vinuapoapoe kaua maranai ai g̃avia i nei da Jerusalem i pupuni ma rava ma purapura aiaii i vaia da i naiei. Tauta ẽga tata aramana-kauei aiai wei bukana i girumi wate rava g̃elau i notanotai da augunai Jeremiah wei bukana i girumi.

Jerusalem ana nuabola

¹ Kapore! Zion wariag̃a am patara i rata g̃ag̃a, marina u kwakwava.

Dam patarai ai voepaepa, marina i vikaiababa. Wariag̃a dobuḡela gulagulai ai voepaepa. Tauna i 'nana g̃aei.

Marina i vitaunola.

² E toutou maratou,
jirigwegwena au navanavana e toitoi.

Ana nuavainana maḡamaḡau i ruba-tomana, ẽga aiai da ina vinuauubai.

Ana rava* anapui i mae-puputei ma i viḡaviei.

³ Judah i pani ma i pupuna-naiei.

Au dobu ḡela i vivipanipani,
e rarau-iviapoapoelei,
i vitaomana au dobuḡela.

* 1:2: Ana eririam lamna wapu god Baal ma Aserah ma mai Judah maḡamaḡau wei god i voepaepai. Ana rava lamna tauviḡavia mai Egypt ma nanare maiteni i viturana ma maranai g̃avia i ḡetai tau i viruberubei.

Ĝavia i mae-kwaviviroi,
menanare ina onaĝanei?

⁴ Zion etanaina e mogumogu
eĝa aiai kampa ita nenaē torela aubaina.
Ana anirui i kwakwava,
Pirisi e gunugunura,
ana guguini e vivitouana;
Nuapouna i wanagwadgwadai.

⁵ Ana ĝavia i vibada,
au urai e mamae.
BADA nuabola ĝaeĝaena i neiai Zion awarina
aubaina ai ĝo'apoapoe i rata.
Natunatui i paninaiei aueia, ai ĝavia au mataii.

⁶ Kapore wariaĝa Zion na!
Wavana naenaena, vinualaulaunana marina mepa?
Marina, Zion ana babada lamna me
deer, nuanuai i arelei ma i raumolaĝau ma lam
i baiana-avei.
Inina i garigari
ma eĝa tagotagogina da ai ĝavia ina rubatawanei.

⁷ Zion i kwakwava, ravana eĝa.
Ana maura, wadubona e vinuanotenotei.
Maranai ana rava i peu ai ĝavia au urai, eĝa aiai ita nei da
ita rauagui.
Ana ĝavia Zion ana peu i 'nanai ma i vinamei.

3

¹⁹ BADA, A tenam nae, eĝa matave kaua, iniviara maiteni,
a vinuapoapoe kaua, notana i viĝora kaua.

²⁰ A notanota-maelei
ma au orau a toutou.

- 21 Wate BADA a vinua-notenotei ma orau
e vovovairewapani. Lamnei a vitumaḡana:
- 22 da BADA ana nuavaina mamae-nonoana.
Ma ana raunuapoapoe eḡa ina kwa.
- 23 Ubaubanai, e raviravivouni;
am vipatutu i rata kaua.
- 24 A ririwana-meleu, BADA au buderi lamna
a vivitumaḡanem.
- 25 Tauī daBADA e vivitumaḡanei ma e baibaiei,
ina viaiaini.
- 26 I ai da tana volaḡota ma BADA tana paini da
ina vilawanita.
- 27 I aii da vilamolamona ma nola ma aramanei. Am au
vilaraga,
- 28 maranai BADA e viviamanita,
ma mae genuatau.
- 29 Tana mae-ḡaira au debidebi,
mepa da agu ina nei.
- 30 Navanavami ona verei da ina ravi, ma ina vijiboḡimi.
Wate eḡa ona vobelei aubaina.
- 31 Bada eḡa ina geduaiana-nonoeta.
- 32 Avena da maraḡela nuabola e neineiāi, wate ana raunua
apoapoe i rata kaua.
Aubaina ana nuavaina i rata kaua, eḡa damona.
- 33 Wate wei kauai eḡa ita vinuaiaiei.

Wedau Mark

The Gospel of Mark in the Wedau Language of Papua New Guinea
Buk Mak long tokples Wedau long Niugini

copyright © 2010 Wycliffe Bible Translators, Inc.

Language: Wedau

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-30

Updates

eBible.org

PDF generated using Haiola and XeLaTeX on 3 Jul 2018 from source files dated 14 Jun 2018

aa19f3e3-98fb-51fa-9c53-3906edc75f11